

Na expansion di monumento di Ike Cohen

Minister di Turismo Wendrick Cicilia ta honra pioneronan nobo di turismo

DIARANSON anochi, Minister di Turismo mr. Wendrick Cicilia hunto cu Aruba Tourism Authority, orguyosamente a desvela ampliacion di mas nomber na e monumento Ike Cohen situa riba Plaza Turismo. Durante un ceremonia a celebra e adicon di cinco honrado nobo, reconoci como e pioneronan pa nan vision y dedicacion instrumental den forma e industria di turismo di Aruba den e pilar economico lider di nos isla.

E monumento expandi awo ta inclui nomber manera: Michael Kuiperi, Roderick 'Rory' Arends, Walter Wiggins, Tito Muyale y Alex Nieuwmeyer, kende nan legado ta sigui inspira e crecimiento y desaroyo turistico di e isla.

Minister Cicilia a enfatisa e importancia di e momento enfatisando cu: *"E tabata un momento special y bunita. A immortalisa pioneronan cu a carga nos industria di turismo"*.

Originalmente inaugura na aña 2016, Monumento Ike Cohen ta un homenahe duradero na esnan cu a pone e fundeshi di e sector turistico prospero di Aruba. Cu e expansion aki, Aruba un biaha mas ta honra e resiliencia, vision y spirito pionero di e individuonan cu a kere den e potencial di nos isla como un destinacion premier.

"Despues cu a inaugura e monumento na aña 2016, ta un honor pa ta awe atrobe aki pa celebra e adicon di diferente



pionero y lider den turismo", tabata expresion di Ronella Croes, CEO di Aruba Tourism Authority.

Cu e logro aki, Minister Cicilia ta reafirma su compromiso pa honra e pasado mientras ta construi un futuro sostenibel y innovativo pa e industria di turismo di Aruba.

e Poder den Mi

AMI TA

e Presencia Divino.
Ami ta poder, LUZ
y autoridad sagrado den mi.
Mi palabra "Ami Ta" ta crea paz,
bon salud, prosperidad y proteccion.

29 AUGUSTUS, 2025

e Poder den Mi